

Dalan Ba Rekonsiliasaun

Perdao: Hamós an husi salan nebé ema seluk halo ba ha'u hodi la rai odio ou Vingansa.

Fó Perdao

Iha eskritura, Jesus mós fó exemplo ida kona ba perdoa malu no simu malu.

Iha aman ida nia laran di'ak teb-tebes. Loron ida nia oan segundo mai husu ba nia, riku soin nebé mak pertense ba nia parte. Oan ne'e simu tiha riku soin ne'e nia ba dok husi nia aman. Iha rai dok nia gasta hotu nia riku soin hodi hemu, joga, halimar no haksolok ho ema aat sira. Nia lakon buat hotu-hotu too loron ida nia buka serbisu hanesan kriado ida atu fó han fahi sira. Nia sinti terus no susar teb-tebes no arepende. Nia hakarak fila-fali ba nia aman nia uma. Nia dehan, "Tan iha ha'u aman nia uma servente sira mós hetan hahan di'ak. Ne'e duni ha'u sei fila no husu ba ha'u aman atu sai nudar Servente ida." Bainhira nia aman haree nia husi dok, lalais nia halai hosoro nia oan. Nia oan hak-neak ba nia aman. Nia aman hakuak nia metin hodi dehan ba servente sira, "Lori lalais mai hatais foun no sepatu foun atu hatais ba nia. Lalais ba kore ita nia bibi bokur oan atu oho tan kalan ne'e ita sei haksolok hamutuk ho ha'u nia oan."

Husu Perdao

"Aman sira nebé mak ho matak-malirin no laran luak sei hakat ba atu fó perdao ba oan nebé mak teki-teki hariba an atu monu ain hodi husu perdao tan salan nebé halo kontra aman. Aman ho domin sei lia tun dehan 'hamrik ba tan ha'u perdoa o ona.' Iha oras neba kedas todan no susar lakon no semo tuir anin tan aman ho oan hakfila-an ba dalan los mak moris iha domin no ksolok."



Exemplo hirak ne'e ita bele aplika iha ita nia familia, iha sosiedade no iha ita nia governo. Ne'e duni ha'u sei...

- Lalais perdoa.
- La taka falta, kulpa ou ha'u nia salan maibe lalais monu ain husu perdao.
- La buka sala ba ema seluk.
- Simu ho laran luak no matak-malirin ba sira nebé halo aat no hakanek ha'u laran.
- La halo lia ou hola ba lia kontra ema nebé halo aat ou salan ba ha'u.